

Kontuola

ANTZUOLA / Egubakoitza / 2003eko urriaren 3a / 172. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Udala dirulaguntzak ematen hasi zenetik, zazpi igogailu jarri dituzte

AINTZANE IRIZAR

Azkeneko bi urteotan herriko zazpi etxebizitzatan jarri dituzte igogailuak. Antzuolako Udalak dirulaguntzak ematen ditu horretarako. Aurreko agintaldian onartu zuen Udalak laguntza horiek ematea, irisgarritasun arazoei aurre egiteko helburuarekin.

Duela bi urte erabaki zuen Udalak igogailuak jartzeko dirulaguntzak ematea herritarrei. Orduetik hona herriko zazpi etxebizitzatan jarri dituzte igogailuak: Ibarreko bietan eta Errekalde auzoko bost etxebizitzatan. 15.000 euro inguruko laguntza ematen du Udalak, aurrekontuaren %20 edo %25, gutxi gorabehera.

Irisgarritasun arazoei aurre egitea izan zen dirulaguntza horiek onartzeko arrazoia. 1960ko eta 1970eko hamarkadetako etxebizitza ugari dago Antzuolan, eta horietako askok ez daukate igogailurik. Bizilagunak, gainera, gero eta helduagoak dira; horren ondorioz, irisgarritasun arazoak ere gero eta handiagoak dira.

Dirulaguntzak lortzeko eta igogailuak jarri ahal izateko ez da baldintza askorik bete behar;



Errekalde auzoko bost etxebizitzatan jarri dute igogailua azkeneko bi urteotan.


izan ere, nahikoa da bizilagun gehienak ados jartzea. Orain indarrean dagoen legeak ez du eskatzen bizilagun guztiak ados jartzea; horrela, oztopo arkitektonikoak kentzeari ematen diote lehentasuna.

ETXEBIZITZA ASKOK DUTE AUKERA

Dirulaguntzak ematen hasi zenean, azterketa egin zuen Udalak; orduan aztertu zuten ze etxebizitzatan zegoen igogailua jartzeko aukera. Azterketa horren arabera, Beheko auzoko etxebizitzek,

Lizarragako batek eta Antigua eta Errekaldeko guztiek dute aukera hori.

Interesa dutenek Udalaren eta Mankomunitateko Suradesa aholkularitza zerbitzuaren laguntza izango dute.



Frontoi Txikia inauguratu dute

Herri Ikastetxeko frontoi berria inauguratu zuten aurreko egubakoitzean, eta Frontoi Txikia izena jarri diote. Hantxe izan ziren eskolako irakasle eta ikasleak, baita Aitor Elkoro pilotaria ere. Neska-mutikoei Aitorrekin jokatzeko aukera izan zuten; ez dakigu nork irabazi zuen norgehiagoka, baina ondo baino hobeto pasatzeko aukera izan zuten denek. Frontoia txikia da, baina eskolako ikasleei beste kirol bat praktikatzei aukera eskainiko die hemendik aurrera./A.I.

LABUR

Munduko biraren gaineko emanaldia eguenean

Eguenean, hilak 9, *Munduko bira bizikletaz* diapositiba emanaldia izango dugu Olaran etxean, 18:30ean. Orain dela hilabete batzuk bukatu zuen Eneko Etxebarrietak bidaia hori; lau urte behar izan ditu eta 46.000 kilometro egin ditu bizikletaz. Guztira, 36 herrialdetan egon da.

Idolaz elkartek beste etapa bati ekin dio

Uztailean batzar berezia egin zuen Idolaz elkartek, etorkizunean zer egin erabakitzeko. Aurrera segitzeko erabakia hartu zuten, eta ekin diote lanari. Elkarteko talde berriak egin du dagoeneko lehendabiziko batzarra, eta poliki-poliki taldea sendotzea da orain duten helburu nagusia.

Ur deposituko hoditeria berritzen dihardute

Sagasti auzoko zelaian hainbat lan egiten dihardute orain dela pare bat astetik; Estalako ur depositura doan hoditeria konpontzen eta berritzen dihardute hantxe. Ur depositu hori herriko iturburuetatik hartutako ura kudeatzeko erabiliko dute etorkizunean.

Hirigune historikoa birgaitzeko plana onartzekoak ziren

Gaur, egubakoitza, Hirigune Historikoa Birgaitzeko Plan Berezia onartzekoak ziren, osoko bilkuran. Inaki Berasategi arkitekto bergararrak egin du plan berezi hori. Behin plana onartuta, jendaurrean jarriko dute, jendaurrean jarriko dute, jendeak alegazioak egin dituzan. 2002ko urtarrean plan horren aurrerapena egon zen ikusgai.


ERRETIRATUAK

Kultur Hamabostaldia datorren eguenean, hilak 9, hasiko dute

ANTZANE IRIZAR
Urtero moduan, aurten ere Kultur Hamabostaldia antolatu dute Antzuolako eta Bergarako erretiratuek.
Gaur bertan, egubakoitza, hamabostaldirako erabiliko duten kartela aurkeztuko dute.

HITZALDIAK, EKITALDIAK ETA IRTEERAK
Datozen bi asteotarako ekitaldi ugari antolatu dituzte erretiratuek. Guztiak Bergaran izango dira; aurten ez dute ekitaldirik antolatu Antzuolan.
Eguenean, hilak 9, EHUko irakasle Jose Migel Blancok hitzaldia egingo du Migel Altuna ins-

titutuan, 19:30ean. Pertsona nagusiek gizartea aldatzeko agente moduan duten paperaren gainean jardungo du. Datorren egubakoitzean, berriz, hilak 10, jaialdia egingo dute San Joxepe elkartean, 18:00etan. Hilaren 25era arte hainbat ekitaldi eta irteera egingo dituzte.



Helduen Eskolan bederatzi ikasle
Orain dela zortzi bat urte hasi ziren Antzuolan eskolak ematen. Ordura arte Bergarara joaten ziren hainbat antzuolar, Helduen Heziketa Iraunkorreko eskoletara. Aurreko astean ekin zioten ikasturte berriari bederatzi lagunek, Marije Izagirre irakaslearekin. Ikasle guztiak emakumeak dira. Herri Ikastetxeko ikasgela baten izaten dituzte eskolak, eta denetik ikasten dute. Bakoitzaren beharren eta ahalmenaren arabera ikasten dute. Urte osoan dago izena eman eta ikasten hasteko aukera. /A.I.

KIROLA

Herriko pilota txapelketan izena emateko epea zabalik dago

A.I.
Oialde elkarteak herri mailako eskuz binakako pilota txapelketa antolatu du. Bi mailatan jokatu dute txapelketa hori, eta 15 urtetik gorakoendako izango da. Urrian hasiko da txapelketa.
Juan Tomas Erostege, Juan Simon Aristi, Josu Zabalo edo

Balendin Zabalorenana jo behar duzue izena emateko, urriaren 10a baino lehen.

GIPUZKOAKO TXAPELKETA
Bestalde, Gipuzkoako Pilota Txapelketa oraingo asteburuan bertan hasiko da. Zapatuan, 17:30ean, Antzuolan jokatu dute lehen-dabiziko partidua, eskuzko txapelketan diharduten nagusiek, Josu Agirrek eta Xabier Biterik, Usurbilgo Andazpe elkartekoen aurka. Kadeteen mailan, Aitor Jauregik, Aitor Mendizabalek eta Asier Longaresek jokatu dute txapelketan; palaz, Gotzon Zabalok eta Iker Mansok; eta infantil mailan, azkenik, Aitzol Iturbek eta Ibai Zabalok.

pelketan diharduten nagusiek, Josu Agirrek eta Xabier Biterik, Usurbilgo Andazpe elkartekoen aurka. Kadeteen mailan, Aitor Jauregik, Aitor Mendizabalek eta Asier Longaresek jokatu dute txapelketan; palaz, Gotzon Zabalok eta Iker Mansok; eta infantil mailan, azkenik, Aitzol Iturbek eta Ibai Zabalok.

KIROLA

HERRITARREN HITZA / Usoa Agirre · Kazetaria

Antzuola: logela herria

Azken aldian ahoz aho dabil esaldi hori. Etxe berri asko egin dituzte herrian eta inguruko herrietako etxeen salneurriak ikusirik, Antzuolara etortzea erabaki du kanpoko jende askok. Eta beste herri batekoa izanda, familia eta lagunak ondoko herrian edukita, normala da Antzuolara lo egitera bakarrik etortzea. Nik horixe egingo nuke Bergaran etxea erosiz gero.
Baina Antzuola ez da Bergara, herri txikia da eta denok ezagutzen dugu elkar. Guztiok jabetu gara jende berria dagoela herrian, ezagu-

tzen ez dugun jendearekin egiten dugu topo okindegian edo harategian. Era guztietako komentarioak entzun ditut honen inguruan: bizilagun berriak ez direla integratzen herrian; lo egitera bakarrik etortzen direla; etxe gehiago egin beharoko lituzketela herrikoentzat eta ez kanpokoentzat...
Komentario batzuk asmo txarrik gabekoak badira ere,



“Utz diezaiogun antzuolar izan nahi duenari antzuolar izaten”

badira horrelakoak maleziaz esaten dituztenak, eta horrelako jarrerarekin ez goaz inora. Jendea herrian integratzea nahi badugu (eta nahi ez duenak segi dezala berean), has gaitzen horrelako komentarioak saihesten eta jarrera hobea hartzen. Ez dut esan nahi Antzuolak “logela herria” izateari utziko dionik, baina benetan herritar

izan nahi duenak errazagoa izango du bidea.
Nik ere herritarrentzako etxe gehiago nahi nituzke, baina kanpokoei ezin diegu etxe bat erostea ukatu, ezta herrian bizitzea ere. Batzuei kosta egiten zaie bikotekidearen herrira joan eta han integratzea, eta zer esanik ez biak badira kanpokoak. Utz diezaiogun antzuolar izan nahi duenari antzuolar izaten, eta nahi ez duenari, utzi behintzat herrian integratzen. Nire ama ere herrian oso integratuta zegoen, baina gabiriarra izan zen bizi guztian.

LARREA
TABERNA
Kalebarren 17
ANTZUOLA

ANTZUOLA
Apainketak eta isolamenduak
Pladurrezko dibisioak
Kalegoi 21 ANTZUOLA
676 997 400
Biltegia: 943 78 70 40

Tomas Gezalasa
Apainketarako eta industriarako pinturak
Paper margotuak
Moketak eta tapizatuak
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA

GAILUR
taberna eta gozotegia
Buztinzuri 13 ANTZUOLA
Tf. 943 78 70 32

Tomas Gezalasa
Zoruen kutxilatua eta barnizaketa
Kalegoi 21
Tf. eta faxa 943 76 64 07
Poltsikokoa 616 277 999
ANTZUOLA / BERGARA